

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10) i Programa utroška sredstava u Ministarstvu za rad, socijalnu politiku i izbjeglice za 2022. godinu, broj: 02-11-1194/22 od 20.01.2022. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 147. sjednici, održanoj dana 25.03.2022. godine, d o n o s i

O D L U K U

o odobravanju sredstava za sufinansiranje rada Memorijalnog centra Srebrenica-Potočari Spomen obilježje i mezarje za žrtve genocida iz 1995. godine

Član 1.

(Predmet)

Odobravaju se Memorijalnom centru Srebrenica-Potočari Spomen obilježje i mezarje za žrtve genocida iz 1995. godine sredstva u iznosu 30.000,00 KM (slovima: tridesethiljada konvertibilnih maraka) na ime učešća Zeničko-dobojskog kantona u sufinansiranju rada Memorijalnog centra, u skladu sa Memorandumom o razumijevanju broj: 09-14-17655-1/19 od 06.12.2019. godine, koji je u ime Vlade Zeničko-dobojskog kantona potpisala ministrica za rad, socijalnu politiku i izbjeglice.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2022. godinu („Službene novine Zeničko-dobojskog kantona” broj: 1/22), razdjel 20, budžetska organizacija 01, potrošačka jedinica 0001, ekonomski kod 614100, subanalitika KAD 222, pozicija Budžeta: „Transfer za Memorijalni centar Srebrenica“.

Član 3.

(Uplata sredstava)

Odobrena sredstva će se uplatiti Ministarstvu finansija i trezora BiH na namjenski račun otvoren kod Centralne banke BiH, BIC: CBBSBA22 broj: 000 003 000000001 45, sa naznakom svrha uplate: „3711423- Donacija-Podrška i pomoć Memorijalnom centru Srebrenica“.

Član 4.

(Realizacija Odluke)

Za realizaciju ove odluke zadužuju se Ministarstvo za rad, socijalnu politiku i izbjeglice, Ministarstvo finansija i Memorijalni centar Srebrenica-Potočari Spomen obilježje i mezarje za žrtve genocida iz 1995. godine, svako u okviru svojih nadležnosti.

Član 5.

(Izveštavanje)

Obavezuje se Memorijalni centar Srebrenica-Potočari Spomen obilježje i mezarje za žrtve genocida iz 1995. godine da Ministarstvu za rad, socijalnu politiku i izbjeglice dostavi izvještaj o namjenskom utrošku doznačenih sredstava, odnosno izvještaj o realizaciji i utrošku sredstava na programe i projekte sufinansirane od strane Vlade Zeničko-dobojskog kantona.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona”.

Broj: 02-11-4977/22

Datum, 25.03.2022. godine
Zenica

PREMIJER
po ovlaštenju

Spahija Kozlić

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x Memorijalni centar Srebrenica-Potočari, Spomen
 obilježje i mezarje za žrtve genocida iz 1995. godine,
 putem Ministarstva,
1x „Službene novine Zeničko-dobojskog kantona“,
1x a/a.